



Fasti Mariani

Brunner, Andreas

Antverpiæ, M.D.C XXX III.

S. Norbertvs Ep. 6. Junii.

[urn:nbn:de:hbz:466:1-70962](#)

S. NORBERTVS EP. 6. Junii.

NORBERTVS Dux ejus familiae,
quam Præmonstratensem indigitant,
summis aulæ Imperatoriae hono-
ribus perfunctus, cum mundo se abdi-
casset, suorum progressus atque incre-
menta ab ipsomet CHRISTO in cruce
pendente est edoctus. Nocentissimam
Tanchelini hæresin Antuerpiæ tuu-
grassantem, introductâ è suis coloniâ,
jugulavit. Archiepiscopus post Parthe-
nopoly, quia in corruptos civitatis mo-
res libere pro DEO, & dicebat, & age-
bat, multorum in se odia convertit,
ut jam essent, qui necem ipsi, sociis
vero exilium minitarentur: sed eorum
insidias semper cœlum elusit; tamen si
N O R B E R T V S, Servatorem amu-
latus, obvius nonnunquam hostibus
iverit. M A R I A E cultui se suosque
æternum devovit; unde è VIRGINIS
manu vestem candidam (quâ mores
suos tota hæc familia etiamnum mon-
strat) ab Augustino vero Leges aureis
literis exaratas accepisse memoratur.
Ita candidatus cum cœlum diu ambi-
visset, anno demum C. XXXIV. supra
M. obtinuit, & in victoriæ signum
olivam manu præferre visus est. Non
nemo eundem sub lili imagine trans-
portari in cœlum conspexit. An-
non gratulari sibi terra tunc potuit,

V 4

cūm

312 *Vite Sanctorum.* 7.IVN.
cùm flores habuit , quos in sua rosaria
transferre Superi amabant? Sed & nunc
tales daret , si non ungue infesto invi-
dus cœlo heu ! mundus præriperet. E:
Surio.

S. ROBERTVS ABB. 7.Iunii.

ROBERTVM alterum D. Bernardi
oculum imitandum proponimus, eā
frugalitate virum , ut helluari sibi vide-
retur , si ipsis Paschalibus avenaceum
panem butyro adipatum gustasset. Ge-
nium ergo suum defraudans intactum
pauperibus remisit. Sed debebatur cælo
tam delicatum Apophoretum, tantaq;
virtute conditum. Angelus sub cento-
nibus latitans eo donatus est, argumen-
tis aliis pluribus , & illo maximè agni-
tus, quod discum invisus omnibus in
mensam retulit, & paulò pōst, quasi vi-
cēm relatus, læto ROBERTVM nun-
cio beavit , nomina discipulorum ejus
albo cali inserta esse, duos duntaxat eā
felicitate excidisse : ex quibus alterum
credibile est eum ipsum fuisse , quem ē
medio orantium coetu dæmonis furcā
abstractum, auferri ab eo sportā aspexit
spolium orco. Alias globo juvenum
immixtum Cacodæmonein, & singulo-
rum auribus sua venena insusurrantem
à magni sceleris apparatu abduxit , fa-
tentēm postea certum sibi fuisse , nup-
tiales ludos jurgiis, & multā cæde fini-

re,